欽 定 全 唐

文

钦定全唐文 卷二百十二 目錄	授何彦則侍御史制	李迎秀	應正論	王志愔	體元光生潘寧師碣	對旱令沈巫判	對求鄰壁光判	用資	欽定全唐文卷二百八十二目錄
					,				

郭謙光 李夷吾 李喬年 王利貞 對不受征判 大唐 對受田兼種五菜判 唇齊州長史裴府君神道碑 易州石亭府左果毅都尉薊縣田義起石浮圖領 部將軍功德記

发 是 全 手 之 一 三 一 当	對歸胙判應文可經邦科對策	晃良貞	陸餘慶	先師子游 攢	盧從愿
-------------------	--------------	-----	-----	---------------	------------

		出師賦	梁獻	六藝賦	封希顏	全
		•				=

次定全事文 发后了十二 逝 郗 欽定全唐文卷二百八十二 幽州人官至雍州司功 王適 不爲竊鄰之光何居而可必欲三餘不棄百過無疲 珍黃冠野客白屋寒生仰桂林之一枝猶思對策掩 徑無心偷光但學以資身行不踰短因人之利 對求鄰壁光判 都告為盗 **郗珍性好讀書家貧鄰家富乃穿鄰壁取燭** 王適 尚

憲弊衣杖藜而非病顏回陋巷飲水而多歡旣知讀書應 聞對馬與其鑿壁何如聚螢若觀過知仁推情被獄束縕 理或難容居法徇私斯焉有在 願學師古未達隨時巫人旣不假神河伯又非求婦天則 婦尚未過於黃沙懸梁之夫庶獲哀於丹筆違禮入 縣時炎漳濱地旱三農務切百里情般方有正於山 潤雖土龍矯首不見朝臍而石燕飲異無聞夜雨劉 無遺於祠祀思月離之澤南畝徒勤詠雲漢之詩西 對旱令沈巫判

飲定全 唐文 卷三至十二 長齊銜石之悲斯則抑人憑河事乃非令違法致罪理在 疑神人以密化為貴故其道彌大其議彌乖非理契冥通 代殊古將今遠聞之者不見見之者不留世智以局守增 古稱列仙自黃帝尚矣或解形點逃或練氣昭升然業與 族潘氏名師正字子真唐嵩山上清之全真者也尊師 精存元覽者不可得而論己尊師趙國對皇青山里人也 而女也何辜遂使睇彼江妃莫反凌波之步偶夫精衛 體元先生潘算師碣 王適

旨薄 清之臺却粒 崇德實致福之基大業云季回手謝俗陪金丹之術祈 以 元和之精合太素之氣誕彌之夕景光充廬客曰此天階 元真人王 祥非世貴者既而生有仙骨幼無童心足蹈龜文手 潛往結草幽居受秘錄於金壇奉元文於石室王君 泣血伏家廬而椎心緬 儒墨之言白雲在天心已退矣十三喪母氏攀墳 風儀盅秀操優幽貞年十二通春秋及禮見黃老 ラニーノー 君 而練肌驚青以虚藏身外無影骨間有聲 居在茅山山有華陽洞天羣仙之府 維大孝嚴天非負土之義慎終

戒淨練松業以存精志逸 階北谷空濛洞入冥之路於是因林石結茅構燒楓柏 ノニンとは、は、ことが、これにコント・ロ ·謁三元之洞後六甲之圖尊師以道有所申貴有所 **商皇以龍盤青古與不留丹田已見冥寂五紀迎與** 國貴趾中經激陰嶼之雙泉庇陽崖於二室寢冥孤 師名著紫簡業盛黃邱指以所居告歸中岳於是揭 想望三清悠然景會上元三年天皇大帝幸洛都晞 攑 十年以其樵歌尚通隱跡或至歷羣岩以遇勝窮 幽得逍遙谷者有古仙之跡雄峯晃朗抗升天 翔雲神合浩氣吞沆瀣 王適 以龜 息 而

新兵全一年了 第二百八十二 竟不屑命對以無為後年巡豫許京屬想太室願言雷極 時風伯淨壑雨師空岩日月按晷以流光星辰環拱而 潛光實緯佐理瑤房淡祈絳闕之游遙契紫元之妙霓裝 壇訪皇人之道會師於嵩陽觀焉時天冊金輪聖神皇帝 竹降雲軺師仍隱几謝以幽疾至調露元祀月維孟冬天 羽從齊心致謁旣而皇眷靡戰青谿尚沒乃稅法駕尋元 搭紫蘭以舉王輦關丹桂而交翠旗天步穆清雲居攸 廼 印運竟心 夙整軒御萬騎雲雖大龍天飛清碧瑶之 崖絕以抗室赤松森而環階藥銳絕煙無若火化

欽定全唐文 卷三百十二 閣龍香竟路羽蓋駢陰天子側席齊宮虛襟宣室是四 於紫府當致書曰九宮神秘顧已通於大綱太乙紫房猶 性命之元欣然順風歎以頹景客情退行欲罷不能爰制 永懷祕訣每灑心咨道挨蹟求真希步景於青元想餐霞 風徵景五雲卿靄萬姓躊躇以聳賜百神翕習而發幽眞 有司就師立觀即於逍遙隱谷建隆唐焉神皇雅尚仙圖 與步輦致師於洛城西宮經畢主之禁林造上陽之 解其沒旨尊師微言盅得秘世莫聞明年仲春上又以 霧有同巢居天皇乃幸結茅御蟠木訪天人之際究 王適 四

咨祈景福乃於太子甲第建宏道之壇老君壽宮立元元] 侍肅外臣若念天下窅然踰旬後年復降師於金闕亭問 隱谷左闢仙遊之路右啓尋真之門月陛互於雲局紫微 旋攀石梁之幽阻神眷動思賦瑶池之浩歌遷延永懷悉 通於幽幌大帝於是排間闔施鉤廠超處遙御嶙峋屏中 與聖冥顯與晦接逃聽千古斯其一交者矣尋而瑞節 洞之階稽七眞之祕神皇親饌金鼎而獻王廚五芝雲 不及疑乃降制命以嵩陽觀為奉天宮苑接隆唐地 桂霜靡允執天師之禮以旌問道之勤又以功德事 鄰

欽定全唐文一卷三百十二 聞若萬賴聚徐而聽之則五音和非大帝之樂聲即元都 九部衣冠超而銅路咽鐘鼓奏而天津沸龍旗鶴葢紛 烟飛已尋幽谷斯亦上九不疑之逐反一無迹之行焉 視二名稟於師口雙榜題於帝筆有制屈德遙統其 乘與屢涉山宮必嗷襄野之問尊師沒視絕景不降 肸蠁永淳元年正月乙未崇朝風霽乙夜雲密忽而有 以光振王司慶溢瓊府上乃降雲旱幸觀風命百僚陳 居雖甫對雲霓類蓬壺之怳惚而元通夢寐若肯庭 仙童靈妃忽其條閃須與聲散景滅若届殊庭月曙 王適 五

黃竹申悲邱陵有贈尋而高宗厭世乘彼白雲我師寧極 青符浴蘭房披紫褐日反吾淨矣亭午將化留此十旬歸 乎輕與矣今名登元蘇身歷太陰升元之言信吾命也是 獨守元牝後年季夏一日謂弟子曰吾獲保茲衛於今五 朔之夕辰家麗天鹿鳴羣山雉惟界谷翼日師日吾其蛇 謁虚室帝子扈蹕王姬陪輦暨於寒峯戢景旰谷生陰 仙韻中使具以狀聞帝曰潘師其升乎即日駕幸奉六 餘年靈異在谷仙鶴滿野俾吾不接萬乘之尊亦庶幾 乃圖門入靜端坐焚香月至於里日臨於甲命香水投

皇帝間而與感乃降寶命式諡松局曰去年冬晚軒皇之一 吾石室乃遺形隱景濟神幽飲於時紫氣氣氲以旁燭紅 た日子時に「えこしこ」王適 駕不追今歲秋寒廣成之居又寂以此哀悼情何可任贈 雲蕭索而上延郁行芳藻流晷煙霭之表若有人焉神聖 冥期珍圖秘學性與天道不可得而聞也若乃崇標曠跡 大中大夫追諡日體元先生昭國禮也尊師業尚盅密勤 能投身霄嶺減景雲林而疲疴此山以煩世主吾之過平 遐情遠意志摩青雲蓬視紫闥每數日大丈夫業於道

金気白厚う一名二百八十二 骨眇悉雲松者惟顏川韓法昭皆稟訓瑶庭密受瓊室專 太清之業遺下仙之傳谷汲芝耕服勤於我葢歷歲紀也 昭等永惟尊師靈迹関 遂欲東求蓬萊孤舟入海屬天皇敦篤斯道祈款逾溪遲 同德何其盛哉尊師有弟子十人並仙階之秀然驚姿鳳 有神人堯輕天下空峒有至道軒屈順風元真高蹤萬古 帝得道白日登天赤松度世紫嶽乘煙紫松干古精淪 山隅絕策未往既而金格有命鎮轡遺區於戲昔姑 幽山申頌元德其頌日 業高沒遊古而棄世往矣其若

葢蜺旌鳳旃齊心來謁契道总筌瑶池一去鼎化千年 秀幼有至德雲性鴻霧冥心龜息元風獨邁白貴無飾 次定全唐文 卷二百十二 畏美喂壘與居象因而已其有唐天子樂我雲仙芝傷 金陵福地茅山洞天高真雲景終古貞全寥寥太素渺 元真有命黃邱自理煙駕來歸雲林萃止花光藏密冥機 道惟得 一煜女希繼天而立黑龍既濟丹鳳攸集宗我仁 仙真蹤誰嗣符吾體元其體元惟何仙骨天植沖而 元惟我師友員笈往焉其始受王書即入瓊室機先體 學備青台化窮丹術餐霞允矣抱景期畢 王適

志愔博 真級紫房問道青元廼習 謁 室霞開永言千載歸鶴徘徊 按察使徙汗州 八岩幽碧洞拳秀金臺少君斯舉青子時來貞松雲鬱 王志惜 絳虬來迎揮神黙解卧 梁山為稱 應 聊城人擢進士第景雲 襄王子謀反將殺志愔以悸卒 封北海縣男開元九年留守京師京兆 等一零行去去金關悠悠王清七元功幸就洞業克成青童載 九其 初拜齊州都督 河 南 道

飲定全唐文一卷二百八十二 由 居莽之 因 而 後 迎也為吉所迎何咎之有未當不較書而數曰居中 悟為大理正奏言法令者人之限防限防不正 上之其論 聚民之多解獨正者危未能變體以遠於害故必見 乃吉而無咎王肅曰六二與九五相應俱履貞正 濫 易至萃利見大人亨聚以正也六二引吉無咎注曰 時體柔當位處坤之中已獨處正與眾相殊異 執 大理官僚多不奉法以縱罪為寬恕以守文為計 刑典實恐為界所誇臣常著應正論以見微 日 王志愔 則

舉皋陶不仁者遠此非明辟刑期於無刑人協于中時乃 引獲吉應此道也仁何遠哉昔咎繇謨虞登朝作士設散揖客而謝曰補遺關於衮職用謹言為已任以蒙養正見志雖存見引之吉難應行之於已余竊懼焉僕飲衽降階日今主上文明域中理定君累司與憲不務和同處正之 事之 小於是舜美其事曰汝明于五刑以弼五教期于予訓開物成務是以五流有宅五宅三居怙終賊刑刑)常體見引無各道亦宜然有客聞而感之因謂僕 乃功懋哉故孔子歎其政曰舜 執法大人見引之應乎季孫 故

炎定全臣文 卷二百八十二 王志愔 聞道若存若心交戰於胸臆之中一作諸 魚于棠城伯正色路鼎在廟哀伯抗詞言者得盡其忠 行父之事君也舉竊寶之征點受邑之賞明善惡而 君不以為嫌此非已獨處正引吉一作而無咎者乎觀 僭賞以塞達在虞舜之功居二十之一主司得行其道 不加其罪故春秋稱臧氏之正曰積善之家必有餘慶 上垂拱臣下守制若正應乎上乃引吉於下而中士辭順趙盾不伐其國此非正體未變為吉所迎者乎 異操而聚引吉之所致乎魏絳理直晉侯乃復其 懷疑乎語

以明之坤六二直方大不習無不 田刑 則不疑其所 動也直其止也方 也君子敬以直內義以方外敬義立而德不孤 俗 侀 抑 也們者成也一成而不可變故君 刑輕重設比是則 私 行也嵇 事主一言可以被 此正之必亨吁嗟乎行 康撰 而合道 維正直而是與 釋私 橋前鶴馬希旨 小利文言一 之歸於體工 論 曹義著至 八何往而 与直其 立 正 身 而 C 直

其正言此則歸正不回乖旨順義不以忤懷見忌斯亦違 事上官無失名譽延對曰臣聞忠臣不私私臣不忠上下 次定全野文 於二百八十二 王志情 平心之味獻可否而論道方恢正體之節俟引正而遵度 此 而给道晏子春秋景公見梁邱據曰據與我和乎晏子曰 同 甘亦甘所謂同也安得為和是知濟鹽梅以調羹乃適 同 日物貴和而不 也非和也夫和者君甘則臣酸君淡則臣鹹今據 非國家之福善事上官不敢奉詔任延雅奏漢帝是 和正在其中矣昔任延為武威太守漢帝誠之曰 同劉曼山辨和同之義有旨哉若以不 善

同見議未敢聞誨客日和同乖訓則已聞之援法成而不 人当とノ 寬是謂帝王之德慎子曰以力役法者百姓也以死 者豈恤獄之寬憲耶書曰 嚴綜物異乎寬政矣對曰刑賞二柄惟人主操之崇厚 者有司 非臣節人或未達斯旨不料其務以平刑為峻將 陛 下自能怨之豈)為廷尉也魏帝當私敕肇有所降恕肇執 也以道變法者君上也然則非人臣之所操 可令臣曲筆也是知寬恕是君道 御界以寬傳曰寬則得界 後 守

泉震曜天道明威齊眾惟 欽定全唐 文一《卷三百个三 后 | 誅有五而竊盜不與馬即行偽言辨之流禮記 百人如來不救其罪豈謂佛法 破律亂名之謂豈是儒家執禁孔子之淡文哉此三 用法者所以明真諦重元猷存天綱立人極也 於是成功所務掌憲決平斯廷尉之職 天網恢恢疎而不漏豈謂道数為疑峻耶家語曰王者 無各婦子嘻嘻終各嚴於其家可移於國昔崔寔達 字無 而作政論仲長統曰凡為人君宜寫政論 刑百王所以垂範折人以法 王志 皆 刻耶光子道 耳易曰家人鳴 則 教 乾 經

功 也昔漢武帝甥昭平君殺人以公主子廷 故也但人慢吏濁傷 之有又謂僕曰成法之變唯帝王之令敗對曰 異乎命王良御 用平典以禁非刑故有常罰輕無捨人不易犯防之 則 石於膚膝適見軟 稱嚴者不必踰條越制凝網重罰在於施躁括 右為言武帝垂涕歎曰法令者高帝之所造也 馬四 秋一牌 作捨銜轡於奔跟請俞跗攻疾積贓沒而日以寬理之可以無 國者以嚴致平非以寬致平者 作 駕轉逸膏肓更沒醫人僕夫 尉上請論 何爲 汉

其奏近代隋文帝子秦王俊為弁州總管以奢縱免官僕 親故撓先帝之法吾何面目入高廟乎又下到萬人乃可 がしている。 コンプラン・コーノー・コー 我安能虧法卒不許此是帝王操法叶於禮經不變之 射楊素曰王陛下愛子請拾其過文帝曰法不可違若如 況於秋官典職司寇肅事而可變動者乎我皇睿哲登宸 इ। 日月光華庶績其凝眾工咸理聚以正也僕幸利見大人 公意我是五兒之父非兆人之父何不别制天子兒律乎 其吉焉期養正於下位中正是託子何懼乎夫君子百 視嚴麻之上宰衡明允就列輯穆廟堂之下乾坤交泰 王志喑

多反全屋 文 第二百八十二 中汎汎天下悠悠執馭爲榮埽門自始拜塵邀勢括囊守 行之基出處二途而已出則策名委質行直道以事君 禄從來長思以爲淡恥客乃逡巡不對遂無以問僕也 亦為政烟霞尚志其用永貞行藏事業心迹斯在至如水 躬願參柱石之任處則遠辭徵召高謝公卿孝友揚名是 歷天官夏官二侍郎同鳳閣鸞臺平章事出為廬州刺 迎秀贈秦州都督大寬族孫弱冠應英材傑出舉長安初 納忠仰泰階而緝政諤諤其節思為社稷之臣蹇蹇匪 李迥秀

景龍中累轉鴻臚卿修文館學士持節為朔方道行軍上 儲校律湟中載清夷落歲寒彌屬終始不渝宜承懋賞之 總管終兵部尚書贈侍中 葢聞仲弓之德太邱播其英聲休徵之道瑯琊闢其茂績 標峻遠志懷毅烈學妙羣言行歸直道營屯河右克膽軍 營臺朝議郎行左肅政臺侍御史上柱國借緋何彦則風 恩允穆增樂之典可朝散大夫左肅政臺侍御史勲如故 唐齊州長史裴府君神道碑 授何彦則侍御史制 李呾秀

一多好全是 文一第二百八十二 森森棟幹聞謝樹之生庭落落瓊奇見韋珠之照乘其於 若乃地兼崇禄門擅清華遊楊氏之五公冠張侯之七葉 如 之邑非子據汧渭之封千乘由其克昌三年所以能霸 裴府君具之矣公諱希惇字虔實河東聞喜人也有若嗣 騎常侍金紫光禄大夫汾州刺史諡曰文儀刑雅澹籍 何代無其人哉曾祖澄字靜慮後魏著作郎諫議大夫散 項導昌源於長流有若大費啓洪基於敷土 后子保河汾 知利之所博非待殖林而貴名之所遵無假列爵而重 司空領袖吏部清通勢壓八王名高百秩家風租德亦

當時 欽定全 唐文 卷二百八十二 少鄉武安郡太守始州刺史通直散騎常侍益州長史會 屬 直 於識宇遠慕先王之道繼通賢哲之德宏止水以待物 三司駕憲二部侍郎扶風河南二郡對治皇太僕司農二 散騎常侍贈輔國將軍隨 詞留於騎省追旌被於外臺父之隱隨侍御史上 縣開國男諡曰安望重縉紳榮東出内寄隆谷岳任 和之正性清光初迪照金王於靈臺雅量甫成鬱松 河八命選其衮裳五等列於蒲穀公承積慶之繁社稟 業茂烝嘗功標舜器祖尼後魏給事中奉車都尉 李迥秀 州刺史道著嚴麻譽光朝 七四 儀 筠

畿之地帝京是属子羽捨困於樂陽無伯祈星於終氏康 能之化復如在昔拜齊州長史歷下咽喉華泉襟帶 之境風壤所接人民知方不言自理稍遷雅州郭縣令王 肥 清來從豫州之辟方義比德千載一 普安郡丞轉遂州别駕君山該博屈伏六安之丞仲舉 則 兩 高 野康問而識賢孔其及庭而稱善徙瀛州樂壽縣瀛塘 幽林之芳必薦於三閣井里之寶自運於十城解 河舊殊常之地中冀爲絕北之野民俗昌阜政化大 山 以立 身涯沒莫窺宮牆罕測談諧諷席業優學肆 時除其州南宫縣 褐 行 令 峻 然 受

永明之拜既留郡邸遣疾彌留上藥難逢莫蠲二監之害 钦定全唐文 卷二百八十二 李迎秀 中使罕遇不睹十全之術以永徽元年三月四日終於長 史魏后悦平叔之才晉皇貪司空之族寵成外館榮被宗 安春秋六十三速景龍年中續戎帝錄禮穆王姬以公嫡 乂安一變鄒魯奏課連最已申考功之名奉計京師遽有 所其四見與王化合於萬里公鈴藻品第股脏邦國百 泉韜光於若訥之旨學該書圃晦迹於惟疑之地總六 孫巽尚主之故乃下制追贈使持節商州諸軍事商州 惟公豪邁不羣風韻彌邵澄清內湛英華外發辨寫言 宝

紱 之 後 絲州 吏人追思美政遂為立碣不其領歌無間於刊勒偷 陽郡夫人祖恭故上大將軍隨州刺史建安公父仁 猶 隆可及之暉黃金著經藝之績夫人笄鄉式典題寂 石止事於身後歷職著聞皆此類焉夫人京兆韋氏 問與括百行之極機質到珪璋門惟軒葢祖孫流舉聚 川之德星鄉邑稱高載平與之月旦威儀棣棣聲望 訓匹盥有行叶宜家之縟禮言容孔備國史幸修 鄧 別駕龍 林之徙植若咸池之疏派公之宰樂壽也旣去 州刺史殷伯兆其縣構楚傅開其茂緒朱

龍二年十月二十六日合葬於咸陽之北原禮也嘉耦 贈 子六人長曰思進 虚齊卿監護葬事并給帳幕手力羽儀鼓吹仍送至基 合未窮絳縣之壽同穴終室遠開京兆之阡較萬年縣 擇分六姻景行九族式瞻有婦德焉有母儀焉以乾 授 是奉蘋藻無匱加以波悟空寂大闡迎維究隨順理開 位榮州威遠縣令次曰思 月二日終岐 率禮加於茲日輕車介士威儀方於昔年 位隨縣今贈蒲州長史太僕鄉次曰 州司士官第春秋六十七粤以景 禮位宋州 熟縣令次曰思 全 思

欽定全唐文 卷二頁十二 永慕之心如彼夫計功 大學生次日醫王位太子僕少日思溫太學生荀氏八 平陽之第青巾紫綬交錯於沁水之園當年之盛如 簪纓朝中歸美並父 從運惟 疑 乎來裔豈可使枸櫟靡述衛鼎無聲爰訪世親俾敘 極天經才為世出名題金榜家振玉簫雕軒編敬結 露霑濡嫡孫異鴻臚卿 知慙德東萊干里不足方駕懷仁服義海內所推 稱 駙馬 伐里疑藹於舊聞勒 7 都尉上 1 未及卜宅風烟銷 柱 國魏 郡開國 錦刊頌義 鴻 轍 曳 此

次定全 唐文、卷三頁十二 賢良培風直上簡影高驤家聲祖德川流岳峙家聲伊何 惟霍之鎮積正含章彼分之水神鼎歐光豈獨靈異亦誕 今望如金如錫藏舟易失傳薪不停未聞九轉俄槍百齡 應務防歷為邑累課列郡成績总其技求晦兹矯敵令聞 郁若蘭蕙亦孔之体如登之堂月將日就詞高文苑理窮 生也克壯其猷滕衣志立弱歲名道華如琬炎絕代莫儔 功著口實德範明經安仁願誄子王思銘黑水西流黃山 面研味風騷將摭科 箱一日千里一年三秀筮仕之班 於國史祖德伊何冠乎人紀翕習交映芬芳不已公之 李迥秀 モ

之通法緡算是資漢之舊典萬姓殷阜中外康寧有大夫 王者之制加田無征葢欲崇德厚賢安人薄賦者言彼甲 德音可述 王室作藩既發德而受主亦班朝而錫壤且什一 喬年禮部侍郎景伯子官左司郎中 東出季武成寢滕公見日烟隧蒼茲風烟蕭瑟人世雖 李喬年 對不受征判 甲有賜田不受征稅 一而稅周 謝

欠己自由一人 之二一 李商年 李夷吾一 夷吾睿宗時官竟陵太守 之家尚苦於征稅法令爰著不稽舊章片言可折斯之謂 五土異宜三農是務井田肇啓稅故斯均非無沃塉之差 矣 李夷吾 對受田兼種五菜判 守令不行 詣 丁受田無種五菜吏稅之丁云在外田稼不善 郡科吏吏固執合稅久莫能決廉察使按郡

金万台。たう一発ニモグサニ 謙光景龍時人 絕曠官之責自貽不法之名斯在 訴理或有憑審聽吏詞義將未可今者百城滯訟八使舉 必公田不善即過在夫人私稼靡登乃罪招於吏眷言 寔爲封疆之異顧惟田畯職在主農徵收雖合以時役: 宜遵常典安得不供所職有紊舜章將奪三時之功用 八家之力俾務農之士東作愆期使擊壤之夫西成何望 郭謙光 唐關部將軍功德記 此上 使

虞 答故天龍寺者兆基有齊替厚盾季益教理歸寂載完兹 山之與愈室千萬彌亘崖出因厂增修世濟其美夫其拳 久臣自由文 长二百十二 郡夫人黑齒氏即大將軍燕公之中女也齊京陵越巨 防降退險固無虛月焉大唐天兵中軍副使右金吾衛 者則參虛之秀麗也雖緇徒久曠禪無荒関而邁種德者 巒岌礏丹翠含赮灌木蕭森濫泉原沸或叶而合壑諠譁 徙天兵重鎮實佐中軍于神龍二年三月與內子樂浪 不臘之奇族行太上懷那由余載格歷官內外以貞勤 柱國遵化郡開國公園 部珣本枝東海世食舊德 郭謙光

世 出 化公資孝為忠嗣 已卻住 佛像并諸賢聖刻 入坎窞牽攣莖蔓再休再 居性暨三年 居業定功於斯為盛光昭將軍之今德可不務库 施 財具富以 面瞻 順塞既清以人亦寧只大遠之隙且 月功斯畢焉夫作而不記非盛德 闕 覜 字 雕 義而勇顦 字關 字關 奉爲先尊及見存 歷歎未曾有相 四迺詹夫 相 類以國蹇連 百 字關 淨域焉於是接 莊嚴冀藉勝 與俱時發純 匪躬德立 姻族敬造 因 1/ 業

荒溢而乘緣指覺歸關 次定全事文人长三百十二 先 舩 利貞睿宗時官和 公者孝乎惟孝忠爲令德東武腰文遊仁踐義富潤 備非功德修淨其有與於此乎浮圖主石亭府果毅 夫釋氏大慈能仁廣運一 則流海波息若廼豐牛步坦香象登津福祉風昭解 利 明德 貞 易州石亭府左果毅都尉薊縣田義起石浮圖頌 知終至而忠信孝敬元亨利而總戎衛服 州歷陽丞 Ξ 揮慧劍則結截拳摧髮駕實 郭謙光 王利貞

七代先心見存太夫人合家大小敬造石浮圖七級釋 像 昭 灵朝日以舒鑒樂幽霄以放光伏願冥資先霑七代爰 二菩薩 積 猶多實之湧地虬擔霧舉實鐸風吟貯容如在神儀假 而述頌云 枯慶及見存與慧目而長懸同定水之無竭對數功 與佛法所皆空能仁富智廣度多功有清信士產積 銅 匪河 保性里 神王等 フララニーニ 西之馬瑞炊馬構造不日而成狀雀離之從 開榮足知止尊崇法門福求無上奉 鋪介其索賣幽谷獲炎崇嚴異濟北

文學等 豐崇檀波羅密斑炎雕聾輪高擢露鐸迥吟風醉穆如在 プログラー・プラー・プラー・プログラー・コーニー 從愿字子龔相州臨漳人零宗朝拜吏部侍郎開元末以 禮專精升堂入室凜凜猶生 與天地終福霑 吏部尚書致仕 盧從愿 陸餘慶 先師子游贊 **检歌政聲動則不徑慮乃先**關 切於何不隆 虚從愿 陸餘慶二二 立言宏遠執

土五勝更襲唯受命以當塗四大居尊咸仗義而稱帝 偉哉英士旣烈且忠宿言無諾 金万全屋プラ光ニマノーニ 良貞景雲二年進士 餘慶元宗朝官右散騎常侍 晁良貞 一雄鼎立四海爪分魏氏獨跨於中原孫劉割據於南 福指雖次於何方三十六郡列封雖於何所醇化懿 應文可經邦科對策 先師子路贊 樂字闕 山氣雄燈臺陽

シュースコーニュー 建鴻名眇眇子孫俱聞失德為功業之厚薄而存込之後 對日漢代崩離三光分景齊贮盪折九上殊方權備割據 先至如獻納忠規縱橫武節既自方於樂毅或見比於張 真全吳之野發女寄於越之精此其躔次也至若常山鉅 疆於何所至若畢昴為大魏之郊井絡應庸蜀之分星紀 豈無東時策曰二十八宿指躔次於何方三十六郡列 良各有其人詳諸史傳所行事迹咸請縷陳 於岷吳瞞丕篡圖於其死火行土德則有攸歸紫色蛙 非無寬猛之規愛國治人自有弛張之度皇皇祖芳並 晁良貞

金気白原う一名二百八十二 於後物之理也夫何足疑策曰至 以雄猜之姿虎噬河朔吳王以英威之略鳳起江南欺孤 名 有言貽譏於石勒令圖發論見稱於陸機蜀滅於前吳心 且夫天命不蹈帝圖難僭劉旣備矣當禪與人此乃事本 無寬猛之規愛國治人自有弛張之度皇皇祖考並建 實夜郎元德之邦星上之殊于是乎在策曰醇化懿綱 鹿孟德之設教會稽豫章文臺之建國考廣漢犍爲之地 眇眇子孫俱聞失德為功業之厚薄而存込之後先者 元符何止功殊於厚薄祚窮安樂不亦宜哉至於魏主 如獻納忠規縱橫武節

欽定全居文 卷二百八十二 易良貞 留候桓桓孔明自方於昌國聞九錫而殊議節表純臣荷 蒸補分以貴骨爰封介葛之機奉乎高堂用入老菜之膳 事迹成請纏陳者山川出雲賢豪擇木英英文若見比於 既自方於樂毅或見比於張良各有其人詳諸史傳所行 精意以享敬於展性率禮莫違治乎歸昨甲以庸敏典司 亦奇矣大者遠者斯焉取斯謹對 顧而知思身歸與主命畢空器不其情哉威餘返旗葢 對歸胙判 甲監享以胙歸父餕而祭 重

之切三年站痛寢苦不爽於喪期九族遷風偃草遂行 既比慶封之祀難許叔氏之禮 恩必逮下子道或霑其食餘祭示有先神理記散其俊末 哀纏罷社綵綵其服永謝老萊之數戀戀厥心空聞孺慕 水成川賢愚共盡因心制禮樂賤同歸甲以慶絕循陂 對寢苫枕草判 化之御史劾其惑界 甲得士禮為宗黨所敬居斬線寢苫枕草間 ~須辨野章暴勝續衣徒然不竊晏嬰

欽定全唐文 卷二頁十二 晁良貞 封希顏 線服罕悟重輕達禮之誠循迷寧戚之室安在請從宗黨 之好無憚簡書之威 始乎冠婚是惟達禮貽之訓誠 甲以將雜襲慶元服就加乙以鳴鳳告祥東薪言往尊真 干禁未虧寧敬之宜姆加其景方昭有行之誨元端素積 别始升髦而便棄實表成人初結褵而遂行或諧嘉偶 對熊子于作熊子于宮判 元端以戒而姆加景或告其非禮云古之道 甲熊子于阼素積以戒而尊有禁乙熊子于宫 用肅今儀今昔或違沿革 憲

員外郎 曜 散琴書以吟想多六藝之為儀禮緣情而損益樂與道而大藝賦以移風易俗安 希顏睿宗朝官右樂丞開元中歷侍御史內供奉遷戶部 封希顏 均兩儀順之則安違之則危故君當廣敬臣亦盡規不 移數方寫於大行射不貴於主皮書斷決以象史御 而取隨則廢一而不可猶五材之並施且夫禮者含七 叶禮經甲作乙宮信於師古或者之告理實無從 周

至 害物以利已每謙尊而守卑沉復冤旒十二駱馬千羈 次定在事文思是二百八十二 樸略之難同爲智巧之所易也大射之禮先王是崇侯以 欲 飛花散於竹帛觀夫始用契以代繩未有紙而作策 納於齊人我辭遺於秦穆太史之職推步萬端或分或 必除怙憑之音使優柔以自足然後美教化成風俗魯 侯伯享獻神祇者焉人無定樂有曲扣 小道可觀便人利國下給上安若乃墨妙之場書淫之 暑 別態圓方自適萬仞崩雲千嚴落石垂露霑於 寒趣乾坤之取舍知運命之艱難亦有宏羊 封希顏 羽增智聞商寡 Ē

水遐通虞延則蒼梧可望不遠千里惟君所向寧止過 天子用騶虞之節諸侯歌貍首之風將以合雅投 毎ちところこうニーノーニ 示其所服正無言而審同飲少算於多算或在澤而在宫 功敢不慎其所舉取制於中恐前功之相棄故少息而 先達之格言才難得而具美伊小人其何執效執 窮良馬四之分餓用壯平心正體自下奉上周飯則瑶 與之偷圍基好殺夾食無親祈年設漢左道心素今我 驅逐禽左廣願終功於造父不見遺於師曠緊彼庶藝 以禮動縣隨人為百工之恒式同六律之相循於戲 領聚德 遠

授鉞四七告悉登壇選時習吉流紫泥之明點聞黃石之 思順文而偃兵何朔塞之聰類尚居邊而優機皇赫斯怒 盡 獻先天時官倉部員外郎 藩之貢士儻片善而必收敢長鳴于知已 夫子有餘力以學文恐代匠而傷理屬天地之交泰添侯 た自治師し、現代に 聖人乘時兮里社鳴聖人御宇兮天下平百姓日用而不 四方風動而化行外鎮武將內羅羣英既居尊以體道 梁 獻 出師賦 梁獻

旬前 道是親昔周君有敵雖戎衣一 布鹅鶴良將勁卒威武剛斷欲使兇渠斬首豺狼帽寬 勒 金万台一月一一先二百八十二 作色後殿未出於朝廷前驅已羅乎郊國大哉聖主 雜沓参差駢闖逼側隱隱較較銷銷異異銳兵含氣武 青門而迥出天子乃整師旅振威德班列品類中拂 而逸永清疆畔爾其有征無戰綠納所陳兵不可恃惟 術旌旗翩飜而誓雲刀劍燦爛而含日望元塞而徐邁 而無內修恩德於以廣文外整兵戈於以克武設魚歷 君 尚以行 化而感迷俊况我皇上聖德通神别有 解 而夏禹將戰反修德

途 車徒謀元帥以虞以度習無不利故冬今有典夏官是 聖有作含靈大庇萬那以平羣動成遂輸暖景集削社 至猶且修干羽除或器懿文德恢武備大閱之禮所以 月得剛日於斯時然後萊田立表斬姓徇陣斾游 剝百其勇倍其信駢馳異驅旅退旅進鈺鐸鐲鐃 明聖觸類歸正既懷投筆之用希遇封侯之聘 服 閲賦 建黑旗各率屬以于往昭用眾之在茲擇元辰 棲書劍不 習 順 國崇武 膊 爲 用山川幾迷失路空 明 K

匪高 欽定全唐文 卷二百八十二 於熊張固乃除於察輸壁夫整界而入軍容翁習吃貼 物有攸施坐作疾徐之節教無不順咸以律而自勉諒 戎士趟夫呈才逞武將櫻晟以雄入顧振旅而盡取公 作鎮邊陸削平天下文明遂以败而以符知足食而 私之有偷有矩崇七德之豐紫遊三驅而跨割豈惟 天動地发亦取睽而致用誠猶火之不敢惟皇建中 而匪各才實天生用猶日慎遵蘭防而合禮罷充野 有明試疇庸舉惟慙德徵於二柄或不爽於為那 融止戈為則垂衣是崇混車書於無外尚何施於

i desperante del la comple		nacing desirated society for	a toda eta ja sa ta alakada a	ariona a mile	an established a second	Name of the Contract of	
次							於
E							
全							늘
書		ļ			!		臣
5		i		;	:		加
次定全吾文人を二百十二				ļ			於一言庶無忝於觀國
							孙
图							かり
			i				觀
2							國
_							
楽							
梁歇							
757		l				!	
.				ı			
	:						
F							
		j					
					ı		İ
		ļ		i			
			 i i	 			<u>,,,,,,,,,,,,,,,,,,,,,,,,,,,,,,,,,,,,,</u>
PAT12374 10 (U.	it is the conf	70300	e concer some	11 1 1 1 1 1 1 1 A 47 1		Control of the	

المراجع والأناوي	ni Constructivi (184)	A Section 1995	<u> Marinana ya ka ka</u>			نفاطنا والمؤسسة			
欽定全唐文 卷二百八十三 目錄	諸王實封制	藉田制	開元紀功德頌并序	龍池聖德領并序	開元正歷握乾符領并序	荔枝賦并序	白羽扇赋并序	張九龄一	欽定全唐文卷二百八十三目錄
Particular or analysis									

東及分十道朝其传	女鬼子一直目具, 較處分朝集使	敕處分十道朝集使	敕處分十道朝集使	敕皇太子納妃	停張說中書令制	廢王皇后制	貶韓朝宗洪州刺史制

欽定全唐文《卷二百八十三 始與縣伯左遷荆州大都督長史卒年六十八贈荆州大 九齡字子壽一名博物部州曲江人擢進士始調校書即 都督諡曰文獻建中元年加贈司徒 欽定全唐文卷二百八十三 開元二十四年夏盛暑奉敕使大將軍高力士賜宰臣白 以道件伊呂科策高第開元十一年拜中書舍人內供奉 張九齡 曲江男二十一年同中書門下平章事選中書令累封 白羽扇賦并序 張九龄

當時而用任物所長彼鴻鵠之弱羽出江湖之下方安知 與竊思於聖后且見持於未央伊昔皋澤之時亦有雲霄 煩暑可致清凉豈無紈素彩畫文章復有修竹剖析毫芒 志若效用之得所雖殺身之何忌肅肅白羽穆如清風 攜密過搖動聲香惟眾珍之在御何短翻之敢當而 海郡出荔枝焉每至季夏其實乃熟狀甚壞說味特 秋氣之移奪終感恩於篋中 扇某與焉竊有所感立獻賦曰 荔 枝

疑遠 聞 枝齊名魏文帝 談倍復嘉歎以為甘美之極 固未之信唯舍人彭城 百果之中無 之大謬也每 ノ・ユーニノ () / 1/11 | ノ | 11 溪知與彼亦何以異 可驗 郡 厥有 暇 終然永屈 相 追 荔枝雖受氣於震方實稟 方引蒲桃及龍 紋 願 可比余往在西核嘗風稱之諸公莫之 往 閉議欲為賦述而世務卒 心夫 况士有未效之用 劉侯弱年累遷經於南海 物以 也因道揚其實遂作此賦 張 也又謂龍眼 眼相比是時二方不 九 不 於 矢口 而 輕 而身在無譽之 几 果而與荔 此志 無 通 rt. 閗 而

霮 酸 欽定全厚文一卷二百八十三 含滋芬數識溢綠穗靡靡青英苾苾不豐其華但甘其實 於 十猶不可匹未王齒 之或安何側生之見疵爾其勾芒在辰凱風入律摩氣 合園以裡本傍陰畝而抱規紫紋紺理黛菜網枝蓊 野環合來麗如葢之張如惟之垂雲煙沃若孔翠於斯 有意乎敦本故微文而妙質蒂藥房而攢萃皮龍麟以 此裔爰負陽以從室蒙休和之所播涉寒暑 膚王英而含津色江萍以吐 日朱苞剖明墙出炯 所盤不高不甲陋下澤之沮 殆 銷雖瓊漿 汝中 惡層崖之嶮戲彼前 軼 祈 匪 膨 然

必愛沈李美而莫取浮瓜甘而自退豈一座之所樂冠四 且欲神於醴露何比數於甘橘援蒲桃而見擬亦古人之 次定全唐文一卷二百八十三 有終食於累百愈益氣而理內故無厭於所甘雖不貪而 淡失若乃華軒洞開嘉賓四會時當與煜客或煩慣而 歡而妹企見者訝而驚伦心意可以蠲忿口爽可以忘 時而為最夫其貴可以薦宗廟其珍可以羞王公亭十 果在焉莫不心侈而體怯信瑪盤之仙液實玳筵之綺 而其致門九重兮易通山五崙兮白雲江千里兮青楓 五此甘滋之不一伊醇淑之無算非精言之能悉聞者 張九齡 何 斯

歷果有差聖果有定誠非常之嘉應曠代之靈符不可 精密而日後八百歲其歷差一日當有聖人定之到於今 斯美之獨遠嗟爾命之不逢每被銷於凡口罕獲知於貴 臣伏見景寅制書以開元歷握乾符垂示天下幸甚其 躬柿何稱乎深候梨何幸乎張公亦因人之所遇孰能辩 乎其中哉 元侃等所言盆部者舊傳洛下閎改顓頊歷推校最 スリニーラニーンに 也臣誠歡誠喜臣聞天道先聖而啟期聖人後天而 開元正歷握乾符領并序 為 得

者舊傳尚其占而示後我皇帝無思而感自然元同僧 能課其祥上林雜候亦莫徵其失則明天意以後聖 欽定全唐文人卷二百八十三 會通之不謀所以下叶黃鐘上稽歷象以和六氣以合三 數未臻乃藏於密聖證將至如應如響彼幽深之何有 倡等幸會而言豈云素處非人事也非神道也天固 光復其見心間不容髮斗樞且運而沉於人時元氣已 時不當乎天心不在歷數不登乎聖道不合元符元 而王者應幽數起而明者察故洛下閉極其數而 以俟時積分以差日出入數代多歷年所疇人極 張九龄 땓 知 2 期 儲

图 遂 此 無 應其殆乎人為實錄而有徵馬用乎龍員則洛下閱者 備矣昔者河出圖洛出書自時風後符命非一空 其神乎不然是何見之明也夫聖有時而不作物無聖 沉於月令於戲天下之動 不怕此聖人所以定天下之象通天下之志而天人之 於難見我后受成命重光乎文武累聖而 數被哀命之者曾不得而朝聞凡今之人抑何幸而 親仲尼感時於鳳鳥古人嘆壽於河清皆傷於不 鳳龜龍靈者自瑞蠻夷戎狄遠無不至山川鬼神 F 用不知昆蟲草木生者 無窮殊祥 文 而 幽

盡美而惟天之大終其能名不勝區區敢獻頌曰 亦云总力於帝乎微臣荷寵靈揚休命則臣子之忠在於 之徒不遇此千載之會也萬物豈知其謝生於天乎兆人 欽定全唐文人卷三百八十三 於皇惟后受命於天時來于今兆是厥先旣定乃日允叶 臣聞昔者元德升聞皇天眷命元聖有作上帝何言必見 斯年赫赫光明應於上元 意於休徵总象於幽對惟茲降鑒若曰專精道周萬物 親由是親之當其來運唐虞之屋可封非其有時孔 龍池聖德領并序 張九齡 五 珂

前寂寥無記書契而後煥炳可觀若乃鬼神睢盱品彙紛 教其本則天為之而栗蚩尤不道炎帝不制銅鐵鑄 圖 其神充功濟生人者其祥大粵若古始聲有君臣巢燧之 下人昏墊堯德莫能弭厥炎舜功 横厲 更王雲物告符有若狼銜釣魚躍升素靈哭黃星見豈 底其續則洛為之出書自茲以降殆三千歲矣其間 人食未粒鳥獸是茹時不耕稼器無耒耜而神農氏將 性命未正吉凶不定而太昊氏將通其德則河為之出 而軒轅氏將禁其暴則天為之降元女洪水方 不能除其害而夏后氏

禹 實澤中忽濫泉非常而靈液涓流無幾而神池寝廣樂光 飲定全居文人卷三百八十三 龍 天之所以祚 不以湯德有感武善未盡漢道既雜魏方亦偏难以 見 体氣若煙若雲所未當有則此之出雖清可以 底瓣 應且為與王之兆則未有天錫真符聖受休命遠與大 相續超與上皇比崇如我國家之威者焉洪惟龍池盖 宗採識者之議歷王氣而來遊聖上處或雖之時出 而合應臨淄始封也邸第在焉上黨歷試也靈符紹 介瑰詭於物其中時莫知其所然日 聖即今上小居之舊里京師爽造之地傍 張九齡 徒見其有 六 鑑 而渡 飛

之命亦猶 天其以是永命我唐圖象丁寧有所底止其若茲也夫成 始系皇統維乾綱決綻補壞蕩瑕滌穢而乃關典或 彼克定多難自天之叶贊也如此初中宗遠代后黨窺 鼓天下之動安天下之危故將順成功自古之敗佑 有時而否至理無代而心固在乎大聖之生也乘運 難既衰外處有益推戴太上照臨萬 大盗扭於得志羣隱起而擅權若級旅然當此時也天 不取鬼謀或不協則我祖宗之業無乃將墜而億 倒懸聖上感之提劍而起雷霆一 邦實天之為與人 一奮袄沴以 清 而

爲 欽定全唐文 卷二百八十三 故不在於刑罰不在於禱請大造裁成元猷允塞有如陽 舊章悉舉處窮盡達在因必通品物資以再生家區為之 漬者也夫然何教非德何化非經何能事之不舉何醇精 我又況於衣冠華夏禮樂家邦而不形於斯須不彰於漸 春播澤剛類皆滋泰山起雲無遠不編雖昆蟲草木與蠻 之未極周溥洋溢於穆緝熙至於太和莫不允若體件 變然後返華偽於樸還澆瀉於淳以大道為源以至仁 要荒樂其所生安其所習在牛羊而勿踐有干戈而載 根動推是心以御於事人見德而與行神享誠而介福 張九齡

人合符者聖而美德序命殊尤卓絕豈多乎哉至如 地之大事出皇王之表豈擎跽曲拳盡禮極力將用彦 興 管其口所能稱誦於吾君所可始庶於至德且往者 思及兹報本必嚴私齊栗靈慶以屬之神化以答之與 開也天感精以降聖聖敬命以奉天此誠有元則 母水者善利之物於土為妃苔膺期而有來必合德 表是則然矣天其或者亦以阜育羣化發揮茂祉 王必有所感五帝更尚五運旁通土者黃中之精於金 明其徵乃著紛綸先兆非篤信數由是言之統天者 古之 聖

欽定全唐 文《卷二百八十三 · 茲於元昊載凝載薄在帝庖犧繼天而作浩浩洪水包山 能名王之在鎬豈無頌聲上初克讓抑而未許至於累請 與詣闕上言天意昭著固已久矣人事符合亦云至矣而 襄陵舜亦命禹夏氏以與龍圖龜書二王是膺湯武已下 乃曰俞哉史臣不敏敢獻領曰 德是建泰階既平靈臺靈沼赫赫明明天之爲大雖莫 卿葵信郡王璆等若干人伯父伯兄仲叔季弟聚族相 聖有明徵終成乎帝之神册因其立象之本會以相乘 則載代六百歷紀干年變而通之胡可量也宗子宗 張九齡

無底沙之洋洋其甘如醴清德之鑑柔道之體洪源濬規倬彼東井昭章于天沈精降液下為靈泉靈泉有此其淡 實天之啟 天子之表 夫何足徵 曾孫高視河洛同符混元亦有黃龍出於靈沼明明穆穆 於樂巨唐乘運而起續禹之迹系堯之紀五聖在天丕命 右聖德 右元命

之作匪鮑匪鮪惟龍之躍植物斯生動物斯樂天根有見濯濯靈泉洞冥皇祇滋液流行化為神池曰止曰行惟聖 次定全事文一卷二百八十三 曾是不涸 靈有休氣紛紛郁郁如山之包如雲之族潛龍在下瞻 其命維新 屋兆云其吉周爰諮詢旣契我龜又叶我人錦惟舊京 右神池 右体氣 右靈泉 張 九 龄 忆 鳥

後不庭不率文德是先三代所以直道百蠻所以向化迨 哲王審其若此則限以荒服斷非純臣不貢不王武功居 者矣而固也為患或有款塞者矣而必也無親是以古之 臣聞蠻夷猾夏唐虞已然天之所生類不可絕當有拓境 孔吉或潛於泉或見於田與時順動亦應乎天克配我皇 無德稱焉 蜿蜿黃龍神池自出靈化恍惚噴雲沃日告帝之符其儀 開元紀功德頌并序 右黃龍

明加 垣谷盡境而築長城其黷武者則輓栗飛錫窮兵以耗 シーン・・・・ レーク・シー・ー 是古而務文不非今而忘戰 夫有其餘而無豫思其患而不圖所謂能國將安貴聖 國 交侵雖雜霸之無成亦反經之所取其負力者乃塹 |終否道非固窮鑑之者昊天救之者英主元命陰隱 春秋之衰諸侯以力征 偪 神武我太宗一戎衣而大定我皇帝再受命而太平 又失於下策而悔在末年彼王略之不恢殆千餘 好王綱弛而若級天道厭而將革則有强能攘切暴 伐自出戎心大啟謀夏亂華 以時變 張九齡 消息與天元而 載

**郵
対
全
尾
文
一
発
三
モ
ン
ー
ミ** 東夏郡縣北隟山戎先是四十年侵軼數百里自茲氣 軍 符日月之所照臨陰陽之所陶冶凡有在地莫不稟朔 慮之乾綱以斷之初決策於九重已收功於萬里矣二 公卿 以病 **驾率由事邊是無寧歲二十二年春乃命右羽林大** 路夷裔生風載馳信臣繼發精卒戒嚴有赫張皇若 兼御史中丞幽州長史張守珪將中軍都督諸鎮雄 幽部未遑以滅烽邊城安得而弛析曠日持久兵 大夫未始 告既成攘之不襲且力制之不可或朝或否為 測也將校部曲亦莫知也皇帝方日靖 傘 而

前覆鳥巢而何有於是諸部大駭率聚復歸責以不義之 陷無何變作果自族誅凶元惡首鬼感神誘假天威而無 我 獻功有續後嗣無心百王所廢之勲四夷來賓之俗自我 欠巨白雪文明之二十二 九拾其不臣之罪旣服即序有威且懷載籍以來固未之 而 庭喪膽於非意欲遁則眾潰不保欲拒則兵鋒莫當 年冬十有二月中貴將命元戎受律三軍疾雷於不時 也昔我睿宗取句聽於拾遺今茲聖謀易林胡於反掌 以間謀而情得乘猜攜而計從或奇兵以嘗或厚利以 偽降幸且舒禍遽圖反覆將肆鴟張觀釁先人豈伊負 張九齡 因

凱 金牙在月三光三年八十三 底定巍乎發皇其若此也於是彼節使與羣帥因東師之 居 帝載曷稱文武之時乃率其屬至於固請帝三讓德而曰 刃敵免膏原密承無方之謀坐致不陣之捷有征無戰 俞哉夫曲成萬類者天為而不有下濟兆庶者聖成而不 王者之師數而不彰美於吾君得無臣子之罪不表聖於 略以計易戰以信去兵神斷自天處平不日且軍未血 旋離而族談合而公議以爲主上憫 物無謝生於天雖云至道人無歸功於聖何以最靈 無名所安絕於言象而惟忠與義固不廢於領述大 隅之苦垂不代

自殲兮裔既平謀既集兮聖自明我不戰兮獻戎捷俾厥 徒不勤兮車不殆虜震驚兮兵氣倍昔頁固兮今安在魁 師出幽陵兮蹦九夷簸赤山兮蕩滄海野無告兮伐有罪 雅云徐方既同天子之功又曰明明天子今聞不已其此 後兮揚天聲 赫 之謂也臣再拜頓首敢獻頌曰 赫天威兮被遐荒蠢兹山戎兮不來王命南仲兮整六 下粱盛所以奉神祗耕藉所以助人力旣義率於下而 籍田制 **.** Ę ሬ

大使原州都督慶王潭河東節度大使太原牧棣王洽河 速 實惟是千畝未展三推置神困人降災移歲庸不在此良 欽定全層文 卷三百八十三 致 即施行 無然今星紀既周土膏將動去農祥而不日考帝籍之 諫漢文能修其政而班史美談朕自御極以來動否故 在其中是為先農存諸大與故周宣不復於古而號公 下先王之制封建有等諸侯所食征賦以歸河西節度 朕其親耕以實御廩室今禮官博士詳擇典故有司 諸王實封制 7

欽定全唐文《卷二百八十三 蒙賞或失善以此致理未當聞之朝請大夫荆州大都督 宜崇書社之數可各食實封二千戶主者施行 孝友之習且在沒宮服用之間亦從御府旣申開國之典 教以詩禮能漸義方雖已列於封好竟未疇於井賦頃以 比節度大使幽州大都督鄂王涓等性皆中和行無外 府長史兼判襄州刺史事山南道採訪處置等使上柱 山縣開國伯韓朝宗函登清要爰委條察宜恭爾職以 下所遣使臣將恤人隱頻亦諭旨期於悉心而政或相 貶韓朝宗洪州刺史制 張九龄 当

直失措 舉室以為戒主者施行 之責已沒而事上竭誠為臣之節當勵其有賞罰不正 以正人仍期後效且示輕貶可使持節都督洪州諸軍事 甚舉不為黨置其然數事咨於周則異於是不能自律 殊 洪州 德舉自速官誇及令按事果驗非才傷敗實多矯誣 朕懷而乃私其所親請以為邑未盈三載已至兩遷 陷於比周隳 廢王皇后制 刺史散官熟封如故馳 我 綱目有一於此誰其捨諸凡令刺 驛赴任惟 知人則哲在 予 枉 何

之心御下甚鷹鸇之迹造起微訟肠扇朝廷見無將之 改定全害文 < 卷二百八十三 院安置刑于家室有愧昔王為國大計益非獲已布告天 有可諱之惡焉得敬承宗廟母儀天下可廢為庶人就 進行尚書右丞相兼中書令無國公張說往屬艱難 咸使知聞 而心鴻紫皇后王氏天命不佑華而不實居上畜虎狼 於履險及茲輔 下朕承五聖之緒為萬國之君敢以私愛而廢至公內 停張說中書令制 相潤色於告成而不察細微之人頗乖 張九 龄 古

周慎之旨朕略小存大念舊錄功且法不欲屈宜罷中樞 從吉辰式備嘉禮上事下繼君子重之言告言歸朕豈無 敢禮有謹於初義亦重其本凡是媧媾且猶正於人倫 在元良更將承於宗祀皇太子鴻儲副是屬仁孝自然爰 相仍將國史於宅修撰主者施行 死配流嶺南遠處流罪降至徒徒已下罪並室釋放 非獨在予之慶安申與限之澤應天下囚徒死罪特安 任義亦有在更崇端揆之祭宜停中書令可尚書右丞 敕皇太子納妃

檢校 雜匠掌附幕士駕士工人樂人供膳主膳官馬主食 至彼勿許東西諸道征行人家及鰥寡惸獨委州縣長官 弓等並免其家今年地稅三衛細引飛騎萬騎監門長 次定全唐文、卷二百八十三 及禮生有職掌者各減一年勞在京文武官九品以上見 并致仕官朝朔聖者各賜勲一 助其營種長安萬年兩縣百姓及今月當上 頭首勾合知情受偽人等罪雖徒流仍便隸為百 於放差科使安其業中間有不支濟者量事服給 外官因公使及當上在京新除五品以上外官未辭 張九龄 一轉東宫官九品以上諸 去 一號騎衛士

坊音聲人緣太子禮會祇供者各賜熟一 令蕭嵩特封徐國公禮會使黃門侍郎同中書門下平 ·禮會祇供官等更加熟一轉五禮使兵部尚書兼中 副使及判官更加熟一 典主旌節等選日優與處分仗內馬家內侍省給使 韓休特與三品妃禮會使少府監馬紹正賜紫金魚袋 御趙迴進特與三品仍改三品官前右武衛騎曹趙 階皇太子諭德潘蕭特與五品太子妃兄通事 特與五品仍改與五品官皇太子侍讀侍書 轉禮官價者夾侍官及孔目官 一轉皇太子舅尚

辟庶 宜領取宴會者所以宣其情頑錫者所以將其意公卿百 舍人群愿特與五品仍改與五品官兄吏部常選群某 與五品仍與六品官今日應預會官等各節級給賜物即 欽定全唐文人卷三百八十三 敕 於茲羣辟寧不我副凡今政要略有四端衣食本於農桑 目 義與於學校流心出於不足爭訟由於無恥故先王務 於萬方猶恐德或未周物不遂性旁求俊乂共理黎元 朝集使等朕恭已奉天守文繼位布一心於兆庶明 知朕心 敕處分十道朝集使 張九龄 去 四

官當先爲國理人各揚其職不得冒禁干進苟利其身澆 俗不可不草浮風不可不返近令刺史在任四考方還實 役唯均鰥寡撫存盜賊禁止郵驛無弊姦訛不生念茲 知此議不患不知患在不行豈至長吏屢改正教屢移 浮逃客戶所在安輯征鎮人家每事憂恤倉儲唯實賦 始終其情點防斯繫必若縣得良宰萬戶息肩州有賢 朕嘗屢想遊爾庶尹可不用心卿等還州遞相勸勉導 千里解帶仁政不遂行之則是皆能勵節朕復何有 一時將以厚生也修其五教將以淳俗也有國有家同

當加賞罰宜知朕意並即好去 此王度恤彼下人敬順天常無違月令夫星列躔次土 飲定全唐文 卷三百八十三 求循良其底於道隼與熊軾光寵有加甘露鳳皇寂寥 區域休咎之徵唯人所感善必知主惡亦有由每至歲成 敕 寐增歎殷勤永懷更為後圖或未晚也且一郡之政繫 紀豈朕之不德感致斯然為庶尹所能已極於此是用寤 朕臨御天下二十餘載每思至理實仗羣賢何常不 能泉源既清遙麻自直為長吏者可不勉之卿等至 敕處分十道朝集使 張九龄 もせ

其意勿謂空言若風教未宏議能葢闕競入朝計其幸遷 行之豈煩縷說方振綱領乃者庚子制書已明理要徐思 免流庸不可得也夫氓者冥也豈能自謀政者正也當矯 及山南歲小不登人已菜色皆由好逐朝夕之利 時無妨奪吏不侵漁旣富而教奚畏不理至若征鎮役重 其弊所由長吏可不勉數相其物土之宜務以耕桑之本 旱之儲卒遇凶年莫非艱食此則政乖慮始人無勸分欲 遞相慰誨以副共理之意用光分憂之委且如江左爰 弱命窮將須哀於以遂仁恕其餘常科所禁自可舉 而無

郎官出牢百里豈有限也何在汲汲不安於理郡哉誠須 除勿曰不知將自誣也方牧參佐各宜思之朕所待賢能 不惜官秩惟聲實是與惟履行是憑古者刺史入為三公 軟朕受命子人義兼君父思致可封之地無总終食之間 たことのあと、そころ 自有萬邦幾將二紀而刑政或殊風俗尚遠行所望而未 勵精以俟後命並即好去 至顧本懷而自失惟朕之不德在子之過有歸而卿等共 理忠愛之誠宜剖至如典州當侯伯之尊宰邑敵子男之 敕處分朝集使 張九齡

金気を見う一巻二百八十三 租庸類多乾没長吏明察豈其然乎此色每年别須申 之意耶以故一切還州將矯其弊卿等至彼明諭朕意 存心致令流庸更滋前弊未革自行此法即有姦生逃者 不以中外為隔唯以億兆為憂頃以天下浮逃先有處分 以數戒軟以見意增禄秋以勘能何當有公方清白者 好進之輩豈不務於政成欲速之心獨未思於義取朕 升理道循良者不用若聲續未著黎庶未康牧守未朝 在括附便入差科輒相容隱亦令糾告如聞長吏不甚 朝遷參佐踰年而競入此獨為人之資地爾豈是貴成 夘

來未免辛苦特室撫恤使得安存今農扈戒期耕夫在野 誘思人窮其根萌特須禁絕諸軍征鎮每遣優於如聞 決遣不得因此復加楚毒且外臺者長吏主之至如禮義 就中稍重者不得過十日次不得過五日其餘輕科量宜 比類多少以為殿最又獄訟所寄人命是懸近恐妨農 原輕擊俾加閱實乃多幽枉都邑尚爾那縣可知各以貶 不懲侵暴不糾姦訛有一於此是誰之過其遊 用懲主吏自今以後天下繫四等應申覆知證在遠 與耕桑不勘孤寡不恤徭役不均不肅吏人不清盗 長乞冷 僧幻者莊 賊

役事事有豫早為之所雖遭歲惡固亦人安况在豐年不 亦云不薄智能自效豈是末圖政之殊九永用虚佇且 所以一人朕念彼黎元比遭水旱而賦役不等浮情相 多庆全居文《卷三百八十三 敕 事非急切不得追呼卿等至州一 用心即宜好去 十道及朝集使等信賞以勒能刑罰以懲惡謂之二 所理黎庶是切善為政者防於未然均其有無省其徭 無緝寧漸用凋弊所以慎擇長吏東命使臣寵數所 **敕處分十道朝集使** 3 一宣示當遣察問勿不 七九

とことが、アース・コート 令專任不輕自有非違將何率勵至如親識遊客憑恃威 者未必為削為姦者因此便除一敢其端追勝其弊向 逃之費是為救弊之先此不存心更知何理且刺史縣 囑託下家搖 招輯遂使戶多虚掛人苦均攤務欲削除更成詭故 畏懼是虚荷祭電徒增禄秋此而可容孰為尸曠並委 便至煩擾東有不肅諸吏唯只自謹 朕此意優柔慰勉各令用心招撫流庸補級居業使免 州有明牧縣有良宰而精心 動微訟或差遣不當致令損失或處分有 張 緝理豈若是乎卿等至州 ħ 盐 身姦豪盗賊

突联所懸 爾秩惟待賢能若政舉一州惠施一縣使者康 今冤滯致有妨奪鰥寡惸獨征鎮之家倍須撫存勿有科 故或無牛力勒率相助令其有秋所繁囚徒速令決斷無 諸道條察具狀奏聞今甘澤以時農桑寫重不急之務先 金気全厚了一発ニモン十三 問必以狀聞既能副於朕懷亦當待以不次誠可復也豈 食言哉並即好去 勒停宜更申明勿妨春事諸處百姓貧宴者多雖有龍